

杭州圖書館

杭州圖書館

此卽要典中紅丸一案也。諱案孝宗有疾，太醫進藥，鼻
衄驟崩。蓋誤用熱劑也。御藥局太監張瑜醫官施欽劉
文泰等四人皆下獄。據正律誤用御藥，大不敬，當斬。是
時刑部尙書閔珪、左都御史張敷華尙書掌大理寺事
楊守隨僅引交結近侍官員律論絞。議者猶以未盡法
爲恨。斯時爲政府者宜援故事，文昇不問，可灼蒙賞。是
非倒置，乃爾遂致一激而爲孫宗伯之弒逆。再激而爲
魏忠賢之爰書黨禍，不已。國運隨之德清之肉，其足食
乎。

西李康妃爲光廟所專寵，鄭貴妃陰結懼于康妃，水乳交

先撥志始

卷之上

三六

合屢以進封貴妃爲請。羣臣堅持不可。及光廟崩，貴妃與
康妃密謀擁留皇子于慈寧宮，欲邀封太后及太皇太后。
同處分政事。太監王安者，保定人，初爲光廟東宮伴讀，以
從龍恩，陞司禮監太監。光廟頗嚴憚之，登極一月，一切聖
政，王安左右之力爲多。至是，知康妃等謀深，以爲不然，遂
具揭遍投外廷，稱選侍欲擁立東朝，倣前朝垂簾故事。羣
情洶洶，受遺命諸臣大懼。閣臣方從哲等率羣臣哭臨門，
卽不得入，給事楊漣排闥直入，守門內闔持梃亂下，漣厲
聲曰：皇上崩，正臣子入臨之會，誰敢辱天子從官者！內闔
止，不敢動。羣臣乃得入。至乾清宮，哭臨畢，羣臣問皇子所

嘉謀漢以人

世揚清尚人
光斗相繼人

徑委秋御人

在諸國張口不對羣臣相率立殿內力請皇子出從哲議

皇子暫返東宮候選侍移居乃正位乾清漣面斥之謂天

子無返居東宮之理選侍無僭居乾清之理呼內閣李進

忠等責以嚴詞諭以禍福良久皇子始出倉卒升輦閣臣

劉一燦尚書周嘉謨英國公張維賢給事中楊漣等共登

肩昇之行數步輿夫始至是日居文華殿羣臣先行叩慰

禮即請進位行五拜三叩頭禮于是周嘉謨楊漣與給事

中惠世揚御史左光斗等具疏力請選侍移宮原注時未

稱選次日羣臣立候上批有旨選侍著即移仁壽宮王安

等從中恐喝選侍遂不及待侍從手抱八公主徒步以行

先撥志始卷之上三七

凡簪珥衾禡之屬俱為羣闈所掠奪選侍位下內閣李進

忠劉朝田詔等乘機竊盜內帑王安發其事追究牽及選

侍之父御史賈繼春上書政府謂先帝賓天骨肉未寒宜

調護挽回使選侍待終天年皇女無虞意外給事中周朝

瑞駁之謂喜樹旌旗妄生題目繼春辨謂保全選侍益亦

人情至理非詫眼旌旗驚心題目且皇上父子相繼宗社

何嘗不安必待傾選侍以安之乎即移官原是正理何必

立時驅逐乎革其已進儀注之貴妃困其無端羅織之老

父伶仃之皇八妹入井誰憐孀寡之未亡人雉經莫訴云

云有旨雉經入井等語有何憑據著令回話繼春回奏以

風聞對有旨賈繼春劄職爲民

御史左光斗疏奏畧曰選侍移宮之後當存其大體捐其小過伏乞皇上宣召九卿科道面諭以當日避宮何故今日調御何方李進忠劉朝既經正法其餘概從寬宥庶幾燒梁獄之詞者正以寢淮南之謀疏入上傳諭內閣朕幼冲時選侍氣凌聖母成疾崩逝使朕抱終天之恨皇考病篤選侍威挾朕躬欲封皇后朕心不安暫居慈慶宮選侍復差李進忠劉朝等每日章奏文書先奏選侍方與朕覽朕思祖宗家法甚嚴從來有此規制否朕今奉養選侍于噦鸞宮仰遵皇考遺愛無不體悉其李進忠等盜庫首犯先撥志始

卷之上

專干憲典原非株連卿等可傳示遵行

給事中楊漣疏敘移宮事情末云臣當日卽語諸大臣移宮自移宮隆禮自隆禮必兩者相濟而後二祖列宗之大寶始安先帝在天之靈始安卽本日緝獲罪璫只宜殲厥渠魁無滋蔓引大抵宸居未定先帝之社稷付託爲重平日之寵愛爲輕及其宸居既定既盡臣子防微之忠卽當體皇上如天之慶今諸大臣猶在耳也臣之所以議移宮始終如此乃移宮之後忽來蜚語有傳選侍徒跣踉蹌欲自裁處皇妹失所至于授井者或傳治罪璫過甚者或稱丙外交通者使聞風歎息之言作此日不白之案九府神

靈鑿此熱血伏乞皇上于皇弟皇妹時勤仰見諭安不效
曲及李選侍酌加恩數仰體先帝遺言云云疏入次日特
諭羣臣曰朕幼冲登極開誠布公不意外廷乃有謗語輕
聽盜犯之訛傳釀成他日之實錄誠有如楊漣所奏者朕
不得不申諭以釋羣疑九月初一日皇考賓天諸臣入臨
畢請朝見朕李選侍阻于暖閣不許朕出司禮官固請選
侍許而復悔又使李進忠請回者至再至三朕至乾清宮
丹殿上大臣扈從前導選侍又使李進忠牽朕衣卿等親
見當日景象安乎危乎當避宮乎不當避宮乎是日朕自
慈慶宮卽乾清宮躬視皇考入劍選侍又阻朕于暖閣司
先撥志始

卷之上

禮官王體乾固請得出初二日朕至乾清宮朝見選侍畢
恭送梓宮于仁智殿選侍差人傳朕必欲再朝見方回各
官皆所親見明是威挾朕躬垂簾聽政之意朕奉皇考命
依選侍朕不往彼宮飲食衣服皆皇考所賜每日僅往彼
一見因之懷恨凌虐不堪若避宮不早則彼爪牙成刃盈
虛在手朕今不知如何矣既毆崩聖母每使宮眷王壽花
等時來探聽不許朕與聖母舊人通一語朕之苦衷外廷
不能盡知今停封以慰聖母之靈奉養以追皇考之意該
部亦可仰體朕心矣臣工私于李黨不顧大義諭卿等知
之今後毋得植黨背公自生枝節欽此

北思東莞人

按此卽要典中移宮一案也。當時楊左二公何嘗不請調護選侍而毆崩聖母威挾朕躬等語。皆熹廟論中之言。乃盡舉以爲楊左等罪案。逆賢輩不足責。熹廟中夜捫心。何以自解。嗟乎。奸臣惑主。顛倒是非。可勝悼哉。

給事中惠世揚疏論御史劉廷元。往日用事。羣小附和。開欵造單。日謀驅逐。今忽有巡按順天之命。臣工無不錯愕。并糾徐兆魁撫楚不職。當賜罷斥。有旨。兆魁以新簡留用。廷元下部院看議。已而部院覆廷元候論定處。分世揚首攻二奸。彼黨恨之入骨。遂誣捏世揚青衣小帽。夜入王安直房。潛謀定策。嗚呼。鼎湖未泣。謀定何策。龍馭旣升。普天先撥志始。卷之上

四十

縞素矣。而青衣宮禁。有是理否。泰昌元年九月。熹廟卽皇帝位。大赦天下。改元天啟。以明年爲天啟元年。自九月至十二月。仍稱泰昌元年。大行皇帝謚曰貞皇帝。廟號光宗。

天啟元年。給事中張鵬雲。御史馬逢皋等。追論御史劉廷元。下廷臣看議。吏部尙書張問達等覆奏。畧曰。御史劉廷元。當先帝青宮危疑。豈不熟聞。突有張差之變。廷元職司巡視。宜何如其憤激。乃云迹若風癩。貌同黠猾。若休戚不相關者。然幸仗皇祖神明。立斬以決此案。設眞信爲風癩。俾元兇漏網。不知廷元何詞以謝天下。提牢主事王之采

陽寧陽城人由衣
達身二名入卷耳

文昇仍發遣南京去。時文昇已充南京淨軍也。後法司擬可灼遺成有旨依議。

孝和素與李康妃有隙。康妃有寵于光廟。孝和由是鬱鬱成疾。臨崩有遺言云：與西李有仇，負恨難伸等語。時熹廟年幼，不甚嘗。

熹廟既即位，封乳媪客氏為奉聖夫人，移居咸安宮。衣食幾與三宮等。時魏忠賢已入宮中，客氏初與內閣王國臣

有私。按王國臣即魏朝後改姓名者。如魏忠賢之即李進忠，蓋以盜帑思逃國法也。語見酌中志。既又

私于忠賢。王安方掌司禮監印，客與賢協力擁戴。內閣李

進忠、劉朝田、詔等以盜內帑下獄。原注：忠賢初入宮，亦楊名進忠，後改今名。

先撥志始。卷之上。四二

公漣疏參忠賢，忠賢乞憐于安。安盡委罪于李進忠，以飾

外廷。忠賢遂得無恙。既而國臣與忠賢爭，客氏而興。熹廟

詢客意所向，因逐國臣而留忠賢。王安不平其事，深加詰

責。客與賢反，大恨安。安循例告病，擬邀溫旨，即出有闕。陸

蓋臣者，霍維華戚也。通信維華，謂安與賢適當水火，有隙

可乘。華遂出疏參安，賢猶懷前恩，思為援手。王體乾心圖

掌印，慊惡客氏激賢怒，遂矯旨允告。隨降謫南海子，繼殺

之名。下曹化，王裕民、馬應辰等俱降責，有差。

王安既死，忠賢用事，烏程沈、沈通其各下劉、劉以轉通

于賢。由是附賢者漸衆，賢以霍維華之攻王安也，深德維

維華宋先人孫王

字文惠 結人丁未
庶若風和 人丁未

化去法無人

華維華因引孫杰與賢通線索漸密家宰周嘉謨惡之以
年例黜維華于外孫杰遂疏攻嘉謨嘉謨引疾賢矯旨准
回籍調理次年孫杰亦以例外轉

神廟時熊廷弼以兵部侍郎經畧遼東嗜殺過當然守禦
甚嚴賴以安堵然性剛愎自用歲時絕無一介賂遺當路
以此失權貴心給事中姚宗文自遼歸訟言其短衆遂論
列廷弼廷弼請告回籍以遼撫袁應泰代之廷弼在遼凡
流民來歸聚集堡城中給其衣食有逸出者輒殺之號令
嚴密有犯不赦以故奸細不得行應泰至盡反熊所為敵
騎至遼城下奸細開門內應或云袁應泰所納遂至遼民

先撥志始

卷之上

四三

失所男女羣擁轅門控愬概置不理以故遼民憤恨招敵
攻城遂開門擁入遼陽陷應泰自勿報至舉朝震恐熹曆
即家拜廷弼兵部尙書復視師于遼賜尙方劍得便宜行
事又令大小九卿科道祖餞都門外以寵其行時王化貞
以巡撫駐廣上令廷弼守關先是王化貞主戰欲用西
師制敵而密招叛將李永芳為內應廷弼欲阻險修備畫
關而守議既相左臺省又各以意見佐之遂成水火焉

天啟二年正月大清兵至遼陽廣居民訛言且欲渡

河紛紛南竄左營參將孫得功旗鼓遊擊某遂擬縛化貞
以獻敵化貞大懼踉蹌逃歸廷弼在前屯遇之快化貞之

時常國史人筆
庶琦休身命本

主戰而逃也幸畫關之說為有當也遵奉守關之旨亦改
旃而南言者並以私逃論列化貞逮廷弼自詣法司俱議
斬楊公澗等議廷弼奉守關之旨不可謂逃又不當與化
貞同列是時持公平之論者咸以此為允當云

遼事一案立讞者刑部左事顧公大章也先是丙辰丁巳
之際正人日受摧殘大章慨然以賈彪自起及補官國子
博士頗為世道効力後為同事誦其功遂犯時奸忌御史
楊維垣疏參讐獨大章疏辨熊王之案誅心則廷弼難未
減論事則化貞乃罪魁願自謂持平今諸臣並論辟矣業
已辟矣又何讐焉維垣又參大章受熊廷弼賄四萬代為
先撥志始

卷之上

營脫弁及花獻宸佟養冲等大章又辨爾時會審者二十
八人人各有單始而各出所見終而畫一成摺蓋三法司
共議而定此辟臣曷嘗釋廷弼哉廷弼行賄應行于議釋
之人不應行于定辟之人至花獻宸係御史李時榮所定
佟養冲係御史吳應琦所批釋與臣風馬牛不相及維垣
但欲甚臣之罪不知已蹈說謊欺君之條矣有旨奏劄既
明著照舊供職後逆賢借熊案殺楊石實本維垣之疏不
汪文言者欵人也因黃正賓以交于諸君子後遊長安與
東宮伴讀王安善因為安指說當世人品某某為正某某
為邪安聽之亶亶不倦丙丁之際正人盡退而局中諸有

高皇馬邑金系

大鐵擊人丙不

權明心人務王

步琢收後人理王

序夢草草無人老
久居事人一事
與汝事主人主而

器部才包人李王
唐室貴人代
亮詞廣法合不
白已無活人王

力者亦漸相攜。言策之曰：浙人主兵也。齊楚容兵也。成功之後，主欲逐客矣。然柄素在客，未易逐。此可搆也。遂多方用間，齊浙果大構卒，以兩助而楚乃歸。正雖楊左主其謀，而先後奔走以玉成之者，文言也。庚申之歲，鼎湖再泣，擁護冲主，鼎新朝政，則南昌劉一燦與王安其濟，文言實綱繆之時，諸君子爭嘉文言之功，而忌者日益衆。王戊被逮下法司，僅未滅，人謂文言宜少休矣。文言不聽，益遊公卿間，遂入蒲州，韓嶺高邑趙南星之幕，貨緣題入內閣中書，頗肆招搖。甲子歲，阮大鍼因爭吏都垣缺，欲釋憾楊左等，嗾刑科傅樞疏參文言，下詔獄，卒无可坐，特出中旨先撥志始。

卷之上

廷杖一百，後逆賢欲借文言口殺楊左等，御史梁夢環復疏參逮下詔獄。

天啟三年癸亥，京察先是，鄒公元標為左都御史，羣小憚其丰采，必逐去之，而後快。于是給事中朱童蒙部允厚節，興治相繼攻之，福清葉公揭謂童蒙止論其講學，允厚并訾其人品，興治遂擬為賊。三臣之意，同似不在於講學，而在助歲之考察也。元標連疏乞歸，陞趙公南星為左都御史，與吏部尚書張問達同主察典，故給事元詩教趙興邦官應震吳亮嗣，卽向齊楚中之持局者也。時目為四凶，考功郎程正己素惡其招權亂政，復廉得賄狀，俱當之以不

唐不終何人甲

宏化長沙人
大中十一年人丙不

士據百印人
大中十一年人丁未

甲文南人

丙國中人丙辰

化中書人丁未

謹吏科都給事中魏應嘉爭之甚力正已不聽諸有議者亦俱從褫斥不稍假借

給事中阮大鍼者桐城人與左公為同里甲子吏科都缺

序應屬劉化其次大鍼又次魏大中

大鍼素與東廠埋刑傅繼教善繼教及刑科傅櫬與逆賢之甥傅應星通譜

稱兄弟大鍼計邀中旨借上供事劉化不得陞轉朝論

沸然知大鍼自為地也高邑趙公擬如例轉大鍼懼又疑

左公發其謀適有熊徐之隙參左公及張鵬雲魏大中

大鍼請告以歸按明心斗傳吏科都缺應屬周士機大鍼勒上不遷以為已地與此屬化者異

兵部員外郎鄒維璉廉而才高邑器之調為吏部時江西

先撥志始卷之上四六

現任有司官吳羽文而鄒以員外調皆屬破格給事中傅

櫬遂參高邑紊亂舊規援引私人高邑伸辨有旨督趣維

璉到任櫬再疏并參左光斗魏大中目為邪黨御史張訥

疏內有躍治之銓郎屢煩與命之招呼等語御史袁化中

出疏辨明福清葉公票旨各心供職不得爭辨求勝

光庸有選侍趙氏者尙未有封號素與容魏忤熹廟時容

魏乘機矯旨勒令自盡趙將光庸所賜金珠等項羅列桌

上沐浴禮佛西向再拜然後投繯僅以宮人禮斂之崇禎

時無有聲其冤者熹廟張裕妃有娠鋪宮冊禮已畢忽得罪容魏矯旨將宮

人盡行屏逐絕食而死革其封號如宮人例焚化崇禎時復其封號

范慧妃偶失寵李成妃侍熹庶寢代范乞憐客魏偵知之

亦矯旨革封絕食一如裕妃先是李妃有鑒于張預爲之

備幸得苟延又值客魏怒少解遂出爲宮人至崇禎時始

復其封號給祿如舊

內閣劉良相者曾爲熹庶伴讀孝和遺言云與西李有仇

者良相執筆也後逆賢矯旨謫佳鳳陽殺之

天啟四年涇陽張問達去位高邑趙南星秉鈞銳意澄清

然徑情直行視政府蔑如也福清以下多不悅福清故堅

先撥志始卷之上四七

臥以持之致有傳擿之事先是應山楊公由僉院升副院

僉院虛席熊明遇徐良彥皆欲得之應山與高邑諸公堅

執不可其推轂桐城左公熊徐大怒遂嗾傳擿參論高邑

再及桐城并連魏大中張鵬雲等

熹庶偶以小恚怒魏忠賢忠賢待罪私邸外廷有傳其事

者應山遂草二十四大罪之疏桐城左公贊之甚力而微

商之澄江縉昌期澄江謂此事非可輕言夫擊內者只爭

呼吸間耳一不中而國家隨之況乎且內無張亦外無文

襄可幾幸乎桐城默然不三日而應山之疏竟上疏人而

忠賢已侍內久矣時天啟四年甲子六月都察院左副都

明史忠賢人五
言者楚人成

昌期江陰人五

御史楊澍題參逆璫怙勢作威專權亂政欺君蔑法無日
無天大負聖恩大千祖制乞奮乾斷早救宗社疏畧曰高
皇帝所定律令中官止供掃除不許干預政事東廠魏忠
賢者本一市井無賴至中年淨身負入內地初猶謬爲小
信小忠以倖恩既乃敢爲大奸大惡以亂政祖宗之制以
票擬責重閣臣其餘不得假借自忠賢擅權之後旨意多
出傳奉真僞莫辨近且三五成羣逼勒票擬甚有竟自內
批者壞祖宗二百年之政體大罪一也舊閣臣劉一燦家
臣周嘉謨同受先帝顧命親捧御手首定大計者也乃忠
賢急于薦己之所忌不容皇上不改父之臣示意孫杰論

先撥志始 卷之上

四八

逐大罪二也先帝賓于進御進藥之間普天實有隱恨執
春秋討賊之義者孫慎行也明萬古綱常之重者鄒元標
也忠賢一則逼之告病去一則嗾言官論劾去顧于護黨
氣毆聖母之人曲意綢繆終加蟒玉親亂城而警忠義大
罪三也王紀鍾羽正先年功在國本及紀爲司寇執法如
山羽正爲司空清修如菴忠賢一則使人諄辱于高堂追
之使去一則與沈灌交構陷之削籍其不容盛時有正色
立朝之臣大罪四也國家所最重者無如枚卜忠賢一手
握定力阻前推之孫慎行盛以宏更爲它辭以錮其出是
真欲門生宰相乎大罪五也爵人于朝莫重廷推去歲南

以宏行同人爲

史記卷之八
古相書卷之八

太宰北少宰所推皆黜陪貳致一時名賢不安位去顛側
有常之銓政掉弄不測之機權大罪六也聖政初赫正資
忠直乃滿朝薦文震孟徐大相等九人抗論觸忤忠賢傳
奉盡令降斥屢經恩典竟阻賜璫長安中謂皇上之怒易
解忠賢之怒難調大罪七也然猶曰外廷之臣子也傳聞
宮中有一貴人以德性貞靜荷上寵注忠賢恐其露已驕
橫上年因皇上前郊謀之私比託言急病立刻掩綬是皇
上不能保其貴幸矣大罪八也此猶曰未有名封也裕妃
以有喜得封中外欣欣相慶忠賢以抗不附已屬其私比
矯旨勒令自盡是皇上不能保其妃嬪矣大罪九也且猶
先撥志始

卷之上

四九

曰在妃嬪也乃申宮有慶已經成男不意繞電流虹之祥
忽化而爲飛星墜月之慘問忠賢與奉聖夫人實有謀焉
是皇上并不能保其子矣大罪十也先帝在青宮四十年
操心慮患所護持孤危者僅王安一人耳即皇上倉卒受
命時擁衛防護之中王安亦不無微忠焉而忠賢以其私
忿矯殺于南海子身首異處肉飽狗彘慘毒難言其大小
內臣無辜而擅殺者不知幾何是不但讐王安而實敢于
讐先帝之舊侍與皇上之老僕驕肆橫逆畧無顧忌大罪
十一也至于今日討獎賞明日討嗣額毀人居室建立牌
坊鏤鳳雕龍千雲插鬣豈特墮地之擅用朝官僭擬陵寢

而已哉。大罪十二也。且今日蔭錦衣。明日蔭中書。金吾之
堂口皆乳臭。誥敕之節目不識。下如魏良卿。魏良弼。魏良
材。魏希孔。及傅應星等。五侯七貴。何以加茲。不知忠賢有
何軍功。有何相業。亦甚褻朝廷之名器矣。大罪十三也。因
面手滑胆粗。用立枷板。死皇親家人數命。意欲扳害皇親。
搖動三宮。當時若非閣臣立持。則椒房之戚。又與大獄矣。
大罪十四也。良鄉生員章士魁。以爭煤窰傷其墳。朕思賢
乃誣以開礦。立致之死。假令盜長。賤一坏土。何以處之。趙
高鹿可爲馬。忠賢以煤爲礦。大罪十五也。伍思敬胡遵道。
按明史作王思敬等。又無胡遵道名。此
與紀事本末同。似是明史傳寫脫誤耳。侵佔牧地。果真自
先擾志始。卷之上五十

卷之上

五十

有撫按學道治理。乃竟拏入黑獄。拷掠致斃。使青燐赤壁
之氣。結于壁宮泮水之間。大罪十六也。科臣周士樸。執糾
織監一事。原是在工言。忠賢竟停其陞遷。俾困頓以去。
使吏部不得專其銓除。言官不敢司其封駁。大罪十七也。
北鎮撫臣劉僑。不冒殺人媚人。忠賢以其不善鍛鍊。竟令
削籍。此明示以大明之律令。可不必守。而忠賢之律令。不
可不遵。大罪十八也。科臣魏大中。已奉到任。明旨矣。而鴻
臚傳單。忽蒙詰責。及科臣覆奏。臺省交章。又再褻王言。使
煌煌天誥。朝夕紛更。令天下後世視皇上爲何如主。耶。大
罪十九也。東廠原以察奸宄。非以擾平民也。自忠賢受事。

而雞犬不聞傳應星爲之招搖引納陳居恭爲之鼓舌搖
昏傳繼教爲之投罟設網片語違忤駕帖立下如近日逮
汪文言不從閣票不令閣知道謀告密日夜未已勢不至
與同文之獄刊黨人之碑不止大罪二十也前韓宗功潛
入長安偵探虛實往來忠賢私房之家事露始令避去倘
天不悔禍宗功事成九廟生靈安頓何地大罪二十一也
祖制不蓄內兵原有深意忠賢與沈滄劄立內操使羽黨
盤踞其中安知無大盜刺客深謀不軌之人寄迹于內柙
之家昔劉瑾招納亡命曹吉祥傾結達官忠賢蓋已兼之
故識者每爲寒心大罪二十二也忠賢進香涿州鐵騎之

先撥志始

卷之上

五一

簇擁如雲蟒王之趨隨耀日警蹕傳呼清塵灑道及其歸
也以輿夫爲遲而駕馴馬羽幢青蓋夾護環遮則已儼然
乘輿矣大罪二十三也今春聞忠賢走馬御前大無人臣
禮皇上曾射殺其馬而忠賢不自畏罪且進有傲色退多
怨言朝夕隄防介介不釋蓋由寵極則驕恩多成怨從來
亂臣賊子只爭一念而一念放肆遂收拾不佳奈何養虎
兇于肘腋間乎雖寸臠忠賢不足盡其辜矣大罪二十四
也忠賢負此大罪恐內廷之竊發殺者殺換者換左右既
畏而不敢言恐外廷之竊發逐者逐劊者劊外廷又皆觀
望而不敢言更有一種無識無骨苟圖富貴之徒扳枝附

葉倚託門牆。或認作居停。或投充門客。內有授而外發之。外有呼而內應之。卽或奸狀敗露。奉聖夫人復爲之彌縫。其罪戾遮護其回。故掖廷之內。知有忠賢而不知有皇上。都城之內。知有忠賢而不知有皇上。卽大小臣工。積重之所移。積勢之所趨。亦似不知有皇上。止知有忠賢者。每見中外有緊切當做之事。當用之人。必曰要與內邊說。或人不得時。事不得行。亦必曰內邊不旨。凡宮中府中事。無大小。無一不是忠賢專擅。反覺皇上爲各忠賢爲實。卽如邇日忠賢已往涿州矣。一切事情。必星夜馳請。始敢批發。嗟嗟。天顏咫尺。票擬不請裁決。而馳候忠賢意旨于百里。

先撥志始

卷之上

五二

之外。事勢至此。羽翼將成。騎虎難下。太阿倒持。主勢益孤。不知皇上之宗社何所託。三宮九嬪之安危何所託。貴妃皇子之安危何所託。萬一少有差誤。臣卽欲死報皇上。亦何能及。乞集大小文武勲戚。勅令法司。逐款嚴訊。立刻正法。以快神人。其奉聖夫人亦并敕令居外。以全恩施。如此則天意回。人心悅。海內不立。奏治安者。請斬臣以謝忠賢。臣死不恨。疏入。忠賢亦惴惴懼懼。欲結輔臣韓爌爲之地。爌嚴拒不得。已泣訴御前。客氏又從中委曲調護。遂令魏廣微條旨。廣微固素結忠賢。附爲同姓。漣疏中有門生宰相之語。廣微恨之。因擬嚴旨切責。朕自嗣位以來。日夕乾

欽州府人云
身印至人而不
雁昇者人而不
是身替人而不
初在例中人云
應期並行云云

乾謹守祖宗成法。惟恐失墜。凡事申明舊典。未敢過行。從前一切政事。皆朕親裁。奚從旁落。至于中宮皇貴妃并裕妃事情。宮壺嚴密。況無指實。外廷何由透知。內言毒害中宮暨貴妃皇子等語。憑臆結禱。是欲屏逐左右。使朕孤立。于上。豈是忠愛之心。楊漣被論回籍。超擢今日。自當盡職酬恩。何乃等端沽直。本欲逐欵嚴究。念時方多事。朝端不宜紛擾。姑置不論。以後大小各官。務要盡職。不得隨聲附和。有不遵的國法。具在。決不姑息。時忠賢亦有抗辨。疏反優詔答之。于是太僕卿朱釗相等。給事中魏大中。許譽卿等。御史袁化中。李應昇等。南京兵部尙書陳道亨等。科臣允撥。志始。卷之上。五三。

楊朝棟趙應期等各上疏。請立斥忠賢。以清肘腋。俱不報。應山疏上後。應者響合。福清葉向高亦密具一揭。諷上准魏監忠賢退歸私寓。待之以優渥。比于勳戚大臣。庶上不失恩意。下明其退讓。此兩得之道也。揭入。大拂內意。福清懼。思有以自解。乃揚言。此揭非出吾意。乃門人逼我爲之。門人指澄江繆昌期也。當應山疏初上。福清大不以爲然。謂忠賢于上前亦時有匡正。一日有飛鳥入宮。上乘梯手攫之。忠賢挽上衣阻之。不得陞。有小璫偶賜緋。忠賢叱之曰。此非汝分。雖賜不許穿。其認真如此。若大洪疏行。今後恐難再得。此小心謹慎者。侍上左右。免澄江在座。正色曰。

誰爲此言以欺老帥可斬也福清色變不樂而出應山聞之憤甚福清乃貽書致解雖本前語而已圓融其辭應山欲將此書發抄有止之者乃已自門人逼我之言出忌者遂附會其說謂應山之疏由于澄江而代草之毒蘊于此

自下

應山疏既不行意欲俟朝時面奏外廷遂喧傳其說一日早朝鴻臚卿展自重請于應山曰面奏當于何時以便唱引時有武內閣數百人因聞面奏之言皆持斧等器耽耽注視應山且諭左班諸臣不許擅出奏事而應山曰懼氣奪曰姑徐之于是忠賢之黨知外廷不足畏遂肆毒焉

先撥志始

卷之上

五四

福清葉向高時爲首輔才能籠罩忠賢頗敬禮之應山率衆人詣福清處曰今魏忠賢怙惡擅權國勢將去公爲心膂重臣同國休戚小者不必問宜請上御門將忠賢殺皇子貴人妃嬪諸大逆狀明白奏請處死以清君側失此不圖流禍將大焉用彼相爲向高曰僕老矣不惜以身報國倘主上不果聽公等置身何地乎忠賢聞之恚曰何待諸臣我卽請上御門召問諸臣如上以爲有跡寸磔何辭不然可自爲計衆益憤向高爲兩解之事稍息八月向高請告歸而黨禍乃起

高邑趙南星與少司徒魏允貞最相契厚稱同調焉大學

士魏廣徵其子也。廣徵執子姪禮甚恭。高邑以其不肖也。弗爲之禮。每向人曰：魏見泉可謂無子見泉允貞字也。廣徵聞之深以爲愧。後廣徵大拜復往謁高邑。三及門而闈人弗爲通。曰有事講請坐。無事請回。廣徵覲然曰：人可以不見官不可以不見。遂索取原刺以歸。而決意遲宿憤矣。四年冬十月頒朔。魏廣徵不至。及高太廟禮將竣始踰趨入。吏科給事魏大中糾廣徵以執政重臣。遇廟朔大典偃臥私家。大無人臣禮。因而攻者甚衆。御史李應昇疏更切直。畧曰：關臣魏廣徵方其偃仰高卧不拜正朔。迨至日中祭畢然後闖入廟門。科臣糾之乃疏辨。自謂罪止失儀。先撥志始。

卷之上

五五

夫行禮差錯始謂失儀。謹案大明律失儀朝賀者笞四十。祭言失誤者杖一百。廣徵宜何居焉。可覲然後入中書之堂乎。國家設立言官稱耳目近臣言及乘輿則天子改容事關廊廡則宰相待罪。廣徵之父允貞嘗爲言官公正發憤得罪。閹臣以去聲施至今廣徵獨不念乎。奈何比之路馬斥之此輩夫不以此輩爲伍者此另有一輩爲緣。方今聖天子在上賢公卿在下廣徵有何疚心之事。清夜抱慙每見指臆輒自張皇不啻十目十手之暴其隱也。廣徵當遇讀父書保其家聲毋倚三窟與言官爲難異日加可以見乃父子地下也。疏入奉嚴旨責其恣肆借端輕侮不諳

大體

魏廣微深恨衆人之糾劾也。揣忠賢以應山衛大中等因欲借刀剪除。遂與比周密謀以黨者人主之所惡也。乃譖于上曰：楊左袁魏與在朝諸臣，蔑主冲統，結黨擅權，不盡竄殺，無以明主威而服天下。輕蔑之心，上意遂移。忠賢得以肆行，排解初猶挑激，上怒傳奉票擬，繼則從中發票譴。仲閣贈進廣微在其門下，初稱宗弟，後稱字，惟以外交通而縉紳之禍始烈。

皇朝 卷五
文錦汪法入西石

崔呈秀者，蘄州人，以御史巡按淮揚，貪墨甚著。錫山高攀龍為總憲，力任澄清，舉江西巡按謝文錦為廉糾。崔呈秀先撥志始，卷之上，五六

為貪，呈秀百計求援，而高公執法不少徇，遂擬遣戍。呈秀乃微服持賂，賂忠賢，願為之子，呼之以父。忠賢悅，遂出中旨免其勘，復起用。呈秀素與內閣許秉彝善，魏廣微與內閣

王朝用善，許為石元雅，掌家石與王皆在逆賢名下。于是崔魏兩人互相謀畫，成借內加以圖報復矣。

翰林馮銓者，涿州人，年少而美，同館頗狎之。左諭德繆昌期狎之尤甚。銓之父馮盛明為遼陽兵備，因邊患望風南

奔，銓求援于諸君子甚哀，而曲事昌期，更至昌期每侮之。衆人中，銓尤不堪，以此懷恨，欲報銓。素與魏忠賢姪魏良卿善，至是致書良卿，極言外廷不足慮，因導之行廷杖以

威明 卷五

操持其人雨衣

與大獄排陷眾人且又時時暗將外廷事情密報忠賢使
為之備于是玉體乾加主廷杖之說忠賢猶躊躇未敢即
行體乾愆愆成之先杖御史林汝嘉林濟逃未獲遂杖工
部郎中萬燦錦衣大帥田爾耕體乾承望風旨遂斃萬燦
于杖下又疑林汝嘉藏匿福清寓邸緹騎圍繞遍行搜索
故福清待罪疏中有云閣臣之體蕩然者指此也

上性好走馬又好作水戲種種機巧出人意外又好葺房
屋凡斧斤之類皆躬自操之雖巧匠不能過也忠賢每欲
有所處分即令玉體乾等伺其經營辦事時即從旁奏請
聽畢便曰你們用心行去我知道了所以太師下移而忠
先撥志始卷之三賢輩得以操縱如意也

五七

居祥其人幸甚
九疇歷代人丁丑

十也至其人為

嘉善知縣謝應祥素有廉名後會推為山西巡撫御史陳
九疇以應祥曾筮仕大中之邑與大中有師生誼特疏糾
之大中謂九疇為焚琴煮鶴九疇參大中為徇私把持應
祥圖謀陞遷文選郎中夏嘉遇疏辨會推始末九疇復爭
執不已奉旨魏大中欺朕幼冲把持會推以朝廷封疆為
師生報德夏嘉遇陳九疇奏揭紛紛成何政體各著降三
級調外任用

大臣會看謝應祥等吏部尚書趙南星亟稱謝應祥之賢
而明魏大中夏嘉遇之無私且云九疇所欲推者部尙友

高友洲人幸甚

也臣以尙友前厚賄科臣辭而又至故鄙之不與推有旨責其朋謀結黨淆亂國是南星遂以耄請歸奉旨御史初上疏當卽出一言何至于紛囂及有旨會看卿自不公忠爲人調弄況向日經筵朕親親失力豈望澄清吏治既年老引咎著回籍調理大學士韓爌具疏申救不聽

左都御史高攀龍以上切責大臣會看不公自劾失職奉旨總憲爲風紀重臣自當秉公執法卿既無私何乃師友偏比不肯從公會看又旨幼冲字樣任情那改非欺而何既求罷著回籍調理

家宰總憲員缺會推喬允升馮從吾汪應蛟奉旨吏部都察院混淆已久何乃此次會推仍是趙南星擬用私人顯

元授志始

卷上

五八

是陳于廷楊漣左光斗箝制衆人抗旨徇私又會推職名止有吏部都察院不全列楊漣既親承諭旨佯爲不知注籍躲閃又前與高攀龍等會看陳九疇事黨比不公了不引咎公然欺朕幼冲眞老奸巨猾頑鈍無恥袁化中亦不無扶同情弊陳于廷楊漣左光斗俱恣肆欺瞞大不敬無人臣禮都著革了職爲民仍追奪楊漣左光斗誥命尙書都御史員缺不拘現任在籍著再會推六七員來看遂起升崔景榮爲吏部尙書改李崇延爲左都御史楊左既逐奸黨益無忌憚遂肆行誣陷于是魏廣徵手寫

天殺星黑旋風吏科都給事中魏大中元時

天暗星青面獸浙江道御史房可壯海忠

左右先鋒二員

地周星跳湖虎福建道御史周宗建來玉

馬軍五虎將五員

天勇星大刀手左副都御史楊漣大洪

天雄星豹子頭左僉都御史左光斗丁未

天猛星霹靂火大理寺少卿惠世揚丁未

天威星雙鎗將太僕寺少卿周朝瑞丁未

天立星雙鞭將河南道御史袁化中丁未

先撥志拾 卷之二 馬軍八驃騎八員

天英星小李廣福建道御史李應昇仲連

天捷星沒羽箭陝西道御史蔣允儀丙辰

天空星急先鋒山東道御史黃尊素丙辰

天退星挿翅虎浙江道御史夏之令丙辰

天兇星沒遮欄吏科給事中劉化唐成

天滿星美髯公刑科給事中解學龍言仰

地獨星毛頭星刑科給事中毛士龍日高

地鎮星小遮欄工科給事中劉懋善中

總探聲息走報機密頭領二員

天速星神行太保尙寶司丞吳爾成

甲本

地速星中箭虎光祿寺少卿丁元薦

長瑞丙戌

行文走檄調兵遣將頭領一員

地囚星旱地忽律廣西道御史游士任

肩生唐成

掌管錢糧頭領二員

天富星僕天雕禮部主事賈

煨中成唐成

地狗星錦毛大尙寶司卿黃正寶

中有浮華人

定功賞罰軍政司頭領二員

地正星鏡面孔目左僉都御史程正己

微石丁未

地奴星催命判官左通政涂一棹

連若甲未

先發志始

卷之上

六一

掌管行刑劊子手頭領二員

地損星一枝花禮部尙書孫愼行

丙未

地福星鐵臂膊刑部侍郎王之宥

心一辛丑

捧把帥字旗將校一員

地賊星鼓上阜內閣中書汪文言

士克莊時在名汪言

守護中軍大將十二員

天壽星混江龍大學士劉一燦

李海乙未

天微星九紋龍大學士韓

煨名學

地短星出林虎大學士孫承宗

懂陽甲未

地轉星轉立地太歲吏部尙書周嘉謨

明倫唐慶辛未

地角星獨角龍吏部尙書張問達 神字

天傷星武行者左都御史鄒元標 兩字

天貴星小旋風右都御史曹子汴 自朱

地軸星轟天雷禮部尙書王 圖 兩成

天牢星病關索刑部尙書喬允升 吉甫

地強星錦毛虎工部尙書馮從吾 已丑

地巧星笑面虎吏部左侍郎陳于廷 中朱

天巧星浪子左春坊左諭德錢謙益 受之

四方打聽邀接來賓頭領十二員

地明星鐵笛仙戶部左侍郎鄭三俊 周章

地壯星母夜叉禮部右侍郎張 兼 世調

地妖星摸著天光縣寺少卿史記事 兼伯

地全星鬼臉兒光祿寺寺丞李炯恭 甲本

地文星聖手書生翰林院修撰文震孟 文起

地瀾星摩雲金翅翰林院檢討姚希孟 長

地陰星母大蟲翰林院檢討顧錫疇 已未

地異星白面郎君翰林院庶吉士鄭 補正

地滿星玉幡竿吏部員外郎周順昌 崇文

地獸星紫髯伯吏部員外郎張光前 爾者

地惠星一丈青吏部員外郎孫必顯 克字

先撥志始

地暗星錦豹子禮部主事荆養喬 辰吉

馬步三軍頭領四十六員

天慧星矯命三郎刑部尚書王紀 惟理 巳丑

天孤星花和尚兵部左侍郎李瑾 巳未

天暴星兩頭蛇兵部右侍郎孫居相 巳未 巳未

地勇星病尉遲兵部右侍郎李邦華 巳未 巳未

地惡星沒面目兵部右侍郎劉策 巳未 巳未

地佐星小溫侯兵部右侍郎何士晉 巳未 巳未

地奇星聖水將戶部右侍郎陳所學 巳未 巳未

天哭星雙尾蝎左副都御史孫鼎相 巳未 巳未

天佑星金鎗手右僉都御史徐良彥 巳未 巳未

地刑星菜園子右僉都御史周起元 巳未 巳未

地醜星石將軍右僉都御史張鳳翔 巳未 巳未

地火星獨火星右僉都御史朱世守 巳未 巳未

地巧星玉臂匠右僉都御史程紹 巳未 巳未

地暴星喪門神右僉都御史王洽 巳未 巳未

地健星險道神右僉都御史李若星 巳未 巳未

天異星赤髮鬼左通政使劉宗周 巳未 巳未

地後星鐵扇子大理寺少卿章藩 巳未 巳未

地定星小霸王太常寺少卿韓繼恩 巳未 巳未

入之居休

先按亦方

天六

天三

則豹子真魏大中則黑旋風且青面獸為天暗星亦
 非地煞也惟某氏遺愁集所載天罡地煞之名較前
 其畧言王紹徽為忠賢稱王媳婦嘗造點將鏡獻之忠
 賢忠賢聞其書歎曰其稱東林開山元帥挾風雷
 乃爾真吾家之珍也上稱東林開山元帥挾風雷
 南戶部尚書李三才總兵都頭領天魁星呼保義大
 機密軍師天機星智多星右諭德繆昌期南星掌管
 雲龍左都御史高攀龍協同參贊龍驤都頭領天魁星
 神機軍師禮部員外顧大章掌管錢糧頭領天富星
 揆天驍禮部主事賀辰地旋星金毛犬向實司少卿
 黃正賓正先鋒天殺星黑旋風吏科都給事中魏大
 中左右先鋒天飛星入臂啣吐吏部郎鄒維地走
 星飛天大聖浙江道御史房可壯五虎將天勇星左
 刀斗天猛星霹靂水大雄寺少卿惠世揚天威星雙
 鞭手浙江道御史袁化中天立星雙鎗將太僕寺少
 卿周朝瑞文所列杰
 方震孺徐憲卿鄭三俊

先撥

毛士龍夏嘉遇
 也按文氏此編一
 在與意即照點將錄之原

本錄出者證之遺愁集載惟左右先鋒二員可壯
 者異又以維璉為地飛星房可壯為地走星者亦異其餘
 悉同攷之水滸傳所謂一百八人者除開天正與水滸
 合惟天罡星少一○蓋立地太歲水
 許作天劍星此誤作地劍耳至青面獸本係天暗星
 計氏誤入之地煞此傳寫之繆當以此編與水滸傳
 合者為正

十月蘇松兵備道朱童蒙前任省中以疏攻理學大臣鄒

元標等癸亥京察例出此任在任多為不法心不自安引

病求退有旨朱童蒙不准養病并前例推部允厚李春煜

與朱童蒙俱升京堂用巡撫周起元具疏劾奏童蒙時織

吳生實人始且
惡怕善城人而亦

雁中書明人而亦

上卷是清河人始且
至卷有可人始且

恒常却善人而亦

三畏木有人也亦

監李實以楊姜事疏劾起元給事中李魯生復攻之急而
巡漕御史俞思恂按俞當又飛書長安言其可殺奉旨周
起元護鹿楊姜今又誣朱童蒙排陷正人姑著削籍為民
退奪誥命

南京御史呂鵬雲以例推僉事請告奉旨呂鵬雲不准告

病并諭例推考察各官徐大化孫杰與呂鵬雲俱升京堂

用霍維華王志道部興治徐景濂賈繼春楊維垣俱起復

原官催來到任按此起復原官者六人前按例復

給事中李國茂具疏申理崔秀等奉旨御史崔呈秀事

情顯係誣讞不必行按此起復原官者六人前按例復

縣石三畏既經多

十一月上諭內閣朕覽李魯之本內會推武臣一節因思

文臣票擬不知只應元輔注思抑次輔等與聞一二也

前時鴻臚寺數起批行外廷嗜嗜近日巡視科道本止乞

嚴行相視遠擬領埋且乞討肩與者乞進候爵者卿概應

之如響平章之謂何今後元輔還當同寅協恭集思廣益

次輔等亦勿袖手坐視伴食依回大家殫力抒忠共期于

平以副眷注時魏廣徵欲專政送于告病之際求逆賢傳

特諭分票商量廣徵與逆賢通譚凡遞消息親手書就外

題曰內閣家報釘封鈔送呈玉朝批朝用復加封記送至

卷之二

六七

世宗孝人而
記事與古人同

逆賢直房黃汝良史記事皆以書勸廣微停止申旨大拂
其意隨有李魯生帝曰執中王曰建中旨不自申出而誰
出之疏天下譁然笑之嗟乎魯生之逢迎求媚若此尙足
齒于人耶

大學士韓爌因有票擬不當之論遂引罪求斥畧曰臣以
謏劣備員申書詰戎宜先營衛而觀兵肘腋无能紆宵旰
之憂忠直尙稽召還而擄掠朝堂無能回雷霆之怒以至
後先多官之黜論旨申出之變在聖朝補紀綱乃中外
懼與黨禍而臣既不能先時聖旨言及不能臨
事執持爲封還之聖旨也

仍治臣罪爲重

六八

當矢

仍治臣罪爲重

當矢

申揭請如故事稍加禮貌無以待大臣體不報

督師大學士孫承宗揭稱臣奉違天顏三年當此普天嵩

呼之日不勝瞻戀今闕歷薊邊去京數十里擬于十二日

入都門十三日早朝十四日與同賀萬壽另日面奏機宜

與文武各官商確可否事舉回任上諭兵部督師輔臣既

膺重任未奉明旨親臨薊邊以朕萬壽爲名欲入京隨班

申賀擅離汎地非祖宗法度所容倘中途有意外之變關

門有倉卒之虞相機調度將誰屬乎兵部卽速馬上差人

東漢書

傳論樞輔馬首即東真有秘計何妨便宜封進朕志以緩
靖為期必不從中牽制也欽此蓋高陽德望素為內廷所
嚴憚而熹庶于高陽獻替每多嘉納時朝政一變賢奸倒
置高陽鬱陛見痛陳利害冀悟君心甚非晉陽比也嫉者
高陽帶甲五千欲清君側左樞李邦華實召之內外合
謀定矣逆賢急奏熹庶而顧秉謙遂乘間以圖首揆遂擬
命以進高陽得論即日東行邪華引疾助以次年逆賢即
分遣內閣鎮守各邊以奪諸

十二月大學十

連奏三條

引病有旨

先撥志始

卷之上

六九

九也是

身人友

史崔呈奏

盧鵬孫

人品宜擢用并

以逆賢修城之功頌璫始此為是
日以謀害諸賢為訖而國事有不可言者矣
朝以混濬諛諛成

先撥志始卷上

◎ 杭州圖書館

杭州圖書館